

四庫全書

集部



欽定四庫全書

集部

山谷年譜卷七

詳校官庶吉士臣胡鉦

檢討臣何思鈞覆勘

總校官進士臣朱鈐

校對官主事臣陳文樞

謄錄監生臣章玉輅



山谷年譜原序

文集之有年譜尚矣先太史詩文徧天下而年譜獨闕  
近世惟傳蜀本詩集舊注援據為詳第循洪氏所編退  
聽之舊自元豐戊午以上無所稽焉觀者病之此固家  
之子孫不容不任其責啻不揆少日過庭粗聞舊事竊  
嘗有志於是中間多病廢志十遺七八日復老矣懼將  
泯沒蓋嘗編次遺文為別集二十卷然於編年無所攷  
證因悉收豫章文集外集別集尺牘遺文家藏舊藁故



家所收墨蹟與夫四方碑刻它集議論之所及者旁羅  
搜殲系諸歲月獨恨留生晚距先太史之歿今已百年  
一時哀次豈敢妄謂無所差舛姑俟博聞君子質而正  
之昔山房李彤季敵於豫章外集有言雖先生晚年刪  
去後學安敢棄遺此則留今日掇拾之意其或真蹟既  
亡別無考證則寧略之庶幾不滋異時之疑至於見聞  
單淺排繢無叙此則孤陋不學之罪又奚敢辭歲在屠  
維協洽日南至諸孫留謹序



欽定四庫全書

山谷年譜卷一

宋 黃芻 撰

慶曆五年乙酉

先生是歲癸未月丙寅日壬辰時生於分寧縣修水

故居

蓋六月  
十二日

皇祐三年辛卯

先生是歲已能作詩世傳七歲作牧童詩云騎牛遠



遠過前村吹笛風斜隔岸聞多少長安名利客機關  
用盡不如君 已載桐江詩話

右蜀本詩集舊譜任氏專為文集詩注故它皆  
不錄今之譜倣編年凡先生書啟雜文及諸家  
雜說可以互見歲月者不敢不廣記備載亦或  
重複寧失之繁庶覽者有所據依焉

皇祐四年壬辰

先生是歲作詩送人赴舉有云送君歸去玉帝前若



問舊時黃庭堅謫在人間今八年 已載西清詩話

嘉祐四年己亥

先生是歲以後游學淮南

按建中靖國元年五月癸未先生跋王子予外  
祖劉仲更墨蹟云庭堅年十五六時游學淮南  
蓋是時先生母舅李公擇在淮南詳見後注公  
擇名常子予名雱

嘉祐六年辛丑



先生是歲在淮南

先生有作二室墓誌云庭堅年十七從舅氏李  
公擇學於淮南始識孫公得聞言行之要啟迪  
勸獎使知向道之方者孫公為多孫公憐其少  
立故以蘭溪歸之又有和答革老見贈詩云往  
歲在辛丑從師海瀕州革老名覺

溪上吟

清江引

元注時年十七



右二詩見豫章外集其後如叔父幼子晬日詩  
則又別集所載今蜀本止用文集亦恐家藏遺  
藁及士大夫之所藏者蜀中或未盡見今但欲  
參攷歲月則不敢有所決擇去取悉附于後

按趙伯山中外舊事云先生少有詩名未入館  
時在葉縣大名德州德平詩已卓絕後以史事  
待罪陳留偶自編退聽堂詩初無意盡去少作  
胡直孺少汲建炎初帥洪州首為先生類詩文



為豫章集命洛陽朱敦儒山房李彤編集而洪  
炎玉父專其事遂以退聽為斷以前好詩皆不  
收而不用呂汲公老杜編年為法前後參錯殊  
抵迂也

留嘗聞先人言先祖尚書

諱字見于  
晬日詩注

少蒙先

生友愛蓋嘗編類詩文今家問中先生晚年  
答書有云詩文久欲令寫寄亦為念九三七  
書字多誤故未能就後有可委之信或寄草



本來彼可自抄也此帖尚有墨蹟可攷獨恨

闕

本可

據今所傳豫章文集即洪氏所次而先生平生得意之詩及嘗手寫者多在外集留竊識之後見晉陵尤公表亦疑編次之未當留即具以所聞對公擊節三歎蓋前輩讀書精確自具眼目如此留嘗攷洪氏李氏舊編洪氏則以古風二首為首不及古賦楚詞而李氏



所編文集則第一卷首載古賦楚詞第二卷  
方及古詩乃以贈別李次翁為首而古風二  
首反寘之卷末至外集第五卷題目之首獨  
注行役并雜體詩六字竟莫詳其編次綱目  
所在但分古詩律詩而於外集之末跋云彤  
曩聞先生自巴陵取道通城入黃龍山盤礴  
雲牕為清禪師徧閱南昌集自有去取仍改  
定舊句彤後得此本於交游間用以是正其



言非予詩者五十餘篇形亦嘗見於他人集中  
輒已除去其稱不用者後學安敢棄遺今外集  
十一卷至十四卷是也又於第十四卷後跋云前  
集內休亭賦墨戲賦白山茶賦木之彬彬悲秋演  
雅次韻荅王慎中題張澄居士隱居三首題少章  
寄寂齋謝從善司業送惠山泉送劉士彥赴福  
建運判論語斷篇皆屬先生晚年刪去觀其去  
取之間止據此而已則蜀本詩集任氏所注搜



校之功不為小補。當今所編，不得不以歲月為次。故具載李氏所跋，而或者復病其諸集互載。後學不見各人詮次之意，當於是各書元載外，集別集今附于下。則雖素所未讀，一見亦昭然矣。至於句中之眼，言外之意，觀者當自得之。

題東寺柱

康州詩

康州諱庶字亞夫先生之父，終于康州。守此詩載豫章文集第十一卷。元次和涼軒二首後，今任氏



所次和涼軒二首在崇寧二年然康州作詩歲月  
在前已不可攷其寺見有先生所書石刻亦不載  
歲月不敢寘諸卷末謹附于此

嘉祐八年癸卯英廟登極

先生是歲以鄉貢進士入京師

治平元年甲辰

先生是歲春以赴禮部試嘗留京師

先生有作王力道墓誌銘云比歲以鄉舉士俱集



京師甲辰丁未歲相從也蓋先生登第于次舉丁未歲先生初冠鄉士省試後與喬希聖諸公待榜相傳先生復在魁列同舍置酒為慶未幾有僕被髮大呼而入舉三指以示衆問之乃喬與同舍三人中選先生則不預也座上諸客悉皆散去至有流涕者獨先生飲酒自若又與希聖同出觀榜愠結之色畧不少見喬嘗與孫莘老言而重之

治平三年丙午



先生是秋再赴鄉舉詩以野無遺賢命題主文衡者  
廬陵李詢讀先生詩中兩句云渭水空藏月傳巖深  
鎖煙擊節稱賞以謂此人不惟文理冠場異日當以  
詩名擅四海先生遂膺首選

先生本傳云治平中兩首鄉薦蓋通前舉而言  
也詢字仲同登皇極己卯歲科後以奉議郎致  
仕見周益公必大跋山谷先生與李彥誠帖  
彥誠名忱蓋仲同之孫亦登科元祐六年為洪



州獄掾與先生以世契交遊備載書帖云

觀叔祖少卿奕碁

少卿諱淳字元之終於太常少卿此詩蓋是聚族居鄉日先生所作故凡諸父昆弟相與題詠賡唱不可繫以歲月者悉附于早年鄉居之時至于鄉曲朋舊亭館等詩亦併附于此

次韻十九叔父臺源

叔父諱襄字聖謨別號臺源先生



次韻叔父臺源歌

南屏山 元題次韻和臺源篇九首

七臺峯

七臺溪

疊屏巖

靈壽臺

僊橋洞

靈椿臺



雲濤石

羣玉峯

次韻叔父聖謨詠鷺遷谷

叔父釣亭

巖下放言五首

息暑巖

博山臺 已上二十一篇並元載外集

用幾復韻伯氏思堂



幾復名介豫章西山人先生作幾復墓誌載幾復年甚少則有意於六經方士大夫未知讀莊老時幾復為余言云云則是幾復與先生少年交游蓋幾復自熙寧九年同學究出身為長樂尉廣州教授楚州推官知四會縣仕於嶺南者十年元祐三年沒于京師故以至樂詞讀莊子詩係於先生居鄉之日而它詩歲月不可攷者悉附于後



至樂詞寄黃幾復

錄夢篇

幾復讀莊子戲贈

讀書呈幾復二首

阻水呈幾復二首

漫書呈幾復三首

留幾復飲

再留幾復



擬古樂府長相思寄黃幾復

古樂府白紵四時歌

贈別幾復

韓信 元注為黃幾復作

按蜀本云韓生沈鷖非悍勇俛身跨下真自重  
滕公不斬人未知蕭相自追王始用從來儒者  
溺所聞奇兵果斬成安君功成千金購降虜東  
面置坐師廣武軍前定策收萬金燕齊爭下如



風旋雖云晚計失踈畧此事已足垂千年君不  
見秦丞相衛公子立法治秦薄如紙法行投鼠  
不忌器乃是天資少恩爾白頭故人一趙良忠  
言過耳棄路旁吾固知功名成敗不足據直觀  
古人用心處王直方立之云元豐初山谷過下  
邳淮陰廟作以示孫莘老言其太過無含蓄山  
谷然之遂改今詩

淮陰侯



顏闔

午寢

詩中有二十二年非之句

先生早年之詩自溪上吟清江引元注歲月其  
後間有可攷者不過得之於詩句中其有舊  
次在前亦多居鄉所作本以類相從悉附于  
後

戲贈諸友  
元注時詔下是年科舉故附于此



侯元功問講學之意

元功名蒙政和六年為中書侍郎

新涼示同學 已上二十三篇並元載外集

治平四年丁未神廟登極

先生是歲春以赴禮部試留京師登張唐鄉榜第三  
甲進士第調汝州葉縣尉

先生有寄李師載詩云同陞吏部曹往在紀丁  
未又有次韻胡彥明同年羈旅京師詩云丁未



同陞鄉里賢

初望淮山

詩中云風裘雪帽別家林  
紫燕黃鸝已夏深  
三釜古人千祿意  
一年慈母望歸心  
蓋得官歸途所作  
歸日當在夏末

新息渡淮

詩中有京塵無處可軒眉  
照面淮濱喜自知  
之句  
新息屬蔡州  
渡淮乃自京回江南之路



光山道中 已上三篇元載外集

詩中有出門捧檄羞閒友歸壽吾親得解顏之

句

夷仲叔父幼子晬日

夷仲諱廉終于給事中幼子諱叔教字嗣深丙

午九月生馬涓榜登第終于戶部尚書先生伯

氏元明嘗跋此詩云嗣深修撰弟初生骨駿神

秀氣見萬里故山谷有此佳句九方臯之風鑒



何其神耶借令見今日忠憤義勇憂國愛君壁  
立千仞當有蟠空竒崛之語形容大節建炎二  
年十月望日鳳山下森爽臺大臨書元明諱大  
臨先生伯氏而在羣從兄弟中第七嘗自號寅  
菴見寅菴唱和此詩元載別集

悲秋為知命弟作

知命諱叔達有詩載集中此篇見載文集

寄傅君倚同年



君倚名肩娶先生從姑詩中有喜君方策名之  
句故附于此

贈元發弟

元發諱叔度

答德甫弟

學許氏說文贈諸弟

病嬾 已上四篇並元載外集

山谷年譜卷一



欽定四庫全書

山谷年譜卷二

宋黃芻撰

熙寧元年戊申

先生是歲赴葉縣尉九月到汝州

次韻賞梅

趙令許載酒見過

和答趙令同前韻



趙令答詩約攜山妓見訪

謝趙令載酒

清明

戲題葆真閣

戲贈惠南

惠南蓋江西老禪號積翠菴清隱亦在分寧莫

詳作詩歲月今附于此

寄新茶與惠南



贈清隱持正禪師 已上十篇並元載外集

木之彬彬 此篇見載文集

按家藏文藁有先生初本云曹公所喜三人皆  
黨錮之餘俊孔融禰衡陽狂嫚侮操且疑且信  
故置衡荊州黃祖推刃融禍晚作烹雛覆巢獨  
楊修早慧數解隱語又探其不言者發之最先  
得罪雖有父公雅故不足以貫死嗟乎修黃犢  
子有致遠材一怒其臂死于隆車之轍曾不早



知隰子之伐木耶田常與大夫隰斯彌登臺下  
撫都邑西向而蔽於隰氏之樾成子不言隰子  
歸使人伐木斧斤離數創則止之相室曰何變  
之亟也曰田子將成大事諱人知其微不伐木  
未深忌也知人之所不言其忌深矣故曰知微  
者與禍鄰口如耳者幾乎存雖然隰子之所見  
與百里奚策虞公可同年語哉感二三子行事  
惟坐進斯道者不戒而無悔作木之彬彬



木之彬彬非取異于人可宮室則斬則伐可遷豆  
則捋則擷草之茸茸非求顯于世中芻牧則刈則  
鉏中暨和則剥則枯非以其材故耶是非之衢市  
者責贏億民之生多破彼草木尚無情吾嘗觀若  
人矣工於辨人拙於自辨閼戶庭者為虜司機括  
者為情罪莫慘于德有心禍莫深于心有見罪不  
在德心在蟲賊禍不在心見髡鉗之人也皦皦自  
鮮行于衆汙之前嶢嶢不讓立乎衆卑之上積小



不當是以忘其大當悲夫水風則波木風則摩橫  
畏途而常巧果而喪其太阿萬仞將傾而反顧謂  
樗里當如我何昇注矢以司物十常中其七八羞  
烏喙以朝鋪曰上帝不予察禍集于安能及我怨  
棲于物與之名脫其言則喪智舞其智則害明從  
事於道者奈何見曉于冥冥

聽履霜操

并序

按家藏文藁有先生初本云士有意于問學不



得於親能勿怨者預聽斯琴予故為危苦之詞  
以撼其關鍵冀其動心忍性遇變而不悔

靈宮窈窕兮寒夜永篁竹造天兮月踈影霜能秋  
聲兮木葉下起視夜兮闌干斗柄幽人據琴而當  
予曰夫子則鍾期嘗試刳心而為之聽若有人兮  
亦既修宴衽席之言兮不知其子之齊聖嘉孝子  
之心終無已兮不忍忘初之戒命嗚呼悲哉葛屨  
翦翦兮絺綌涼涼衣則風兮車上霜天雪愁兮空



山四野挽九河湔涕痕兮忽承睫其更下寒饑迫  
人死日至今憫不矜我躬盡子職而不我愛兮終  
非父母之本心天地高厚世莫報兮今也奈何曰  
怨不我好則已兮豈其予之心願哀號中處兮於  
父母又何求我行于野兮不敢有履聲恐親心為  
予動兮是以有履霜之憂

鄒操

并序

按家藏文藁有先生初本云晉人以幣交孔子



而名之禮際甚善孔子將渡河聞趙簡子殺鳴犢舜華臨河而不濟曰洋洋乎丘之不濟此命也夫自頃學士大夫常怏怏此旨以謂魯哀季桓不足與聞說命伊訓公山佛肸不足與道武成牧誓衛以家聽南子齊以國聽田常陽貨亂人原壤之不肖俯仰是間周旋而不絕也簡子殺其大夫鳴犢舜華不已甚乎彼蓋不知國之有賢大夫社稷庇食焉無罪而戮民士可以覆



簋無罪而士死大夫可以命車無罪殺賢大夫  
勑國之榦也勑國之榦而國人戴之若無罪是  
何祥也故君子見微歸在鄒作鄒操云爾

歸歟歸歟是邦不可以游甚愛吾車之柅非津者  
不以我舟彼有邦吾既求之彼有政吾既聽之曰  
月川流筋力舍予而去之山夷谷實忍不與人曉  
之洋洋乎水哉丘則不得濟也昊天天下威螻蟻尚  
卒歲也除塞露而及堂幾何而不殆也墜大木而



斧根枝葉未有害也用麟於牛羊之鼎啜羹者皆  
在位也求所用生喪其生吾愛屨而忍蠆也望其  
祥而卜之曷歸問吾蔡也已乎已乎鳥獸山林寢  
廟食也滔滔者我人丘不得息也我是孔艱日月  
慝也大同至公天地德也小物自私智之賊也河  
水東傾我心孔悲兮四牡奔奔御不省式兮徐驅  
而理衡大路甚夷兮高丘有林斧所相兮大廈岌  
岌不謨匠兮往者不可言來者吾猶及兮



渡江

流水

虎號南山

采菊

右楚詞雖外集稱山谷晚年刪去今不敢輒有  
去取其可以歲月附見之餘併附于此

讀晉史 已上七篇並元載外集

讀謝安傳



四月末天氣陡然如秋遂御袂衣遊北沙亭觀江漲

二篇並元載別集

徐孺子祠堂

祠堂在城下今附

何造誠作浩然堂陳義甚高然頗喜度世飛昇之說  
築屋飯方士願乘六氣遊天地間故作浩然詞二  
章贈之

贈希孝



戲贈張叔甫集句

次韻戲答彥和

漁父二首

按別本前一首即後篇古漁父今併存之

古漁父

問漁父

早行

詩中有秋陽弄光影之句當是赴任時作



初至葉縣

思親汝州作 已上十三篇並元載外集

按玉山汪氏有先生此詩真蹟題云戊申九月  
到汝州時鎮相富鄭公而首句與集中不同云  
風力霜威侵短衣

熙寧二年己酉

先生是歲在葉縣二月按鬪死者于舞陽

書舞陽西寺舊題處

并序



按序中有云浩浩七年其間興廢成壞所更多  
矣以前推之舊題當在癸卯入京之時後七年  
則在北京矣故附于此

飲南禪梅下戲題

因後篇有登南禪寺懷裴仲謀詩以時序附此  
次韻坦夫見惠長句

次韻裴仲謀同年

先生與仲謀詩甚多畧以時序為次時仲謀為



舞陽去葉才百里有賤子與君俱少年之句

和裴仲謀雨中自石塘歸

次韻裴尉過馬鞍山

和仲謀夜中有感

漫書呈仲謀

登南禪寺懷裴仲謀

題蘇才翁草堂壁後

并序

春近四絕句 已上十四篇並元載外集



詩中有閏後陽和臘裏回之句按是歲閏十一月故附此

山谷年譜卷二



欽定四庫全書

山谷年譜卷三

宋 黃當 撰

熙寧三年庚戌

先生是歲在葉縣七月初二日元配蘭溪縣君孫氏  
歿于官所

先生作二室墓誌云殯于葉縣者二十二年元祐  
六年先夫人捐館乃克歸二夫人之骨于雙井蓋



六年為辛未知數至此二十二年蘭溪即莘老女

漫尉 元注庚戌為葉縣尉時作

睡起二首 元注時蒲城佚盜郡以校見督

次韻春遊別說道二首

寄別說道

陳說道約日送菜把

迎醇甫夫婦

按別本題云遣人迎陳六夫婦即集中一作遠



嫁蕭咸親髮白者而後篇又有送醇甫歸蔡及  
送陳氏女弟寄別陳氏妹諸詩必醇甫夫婦無  
疑但先後歸耳蓋先生之妹適陳型嘗寓于蔡  
醇甫當是其字今各以時序附

題南寺王髯題名處

次韻任君官舍秋雨

河舟晚飲呈陳說道

題樊侯廟二首 廟在葉縣



哀逝

悼往

此詞首云西風悲兮敗葉索索政與蘭溪之歿

同時故附于此

紅蕉洞獨宿

詩中有衣笄妝臺蛛結網可憐無以永今朝之  
句按別本云重簾複幕夜蕭蕭真感生懷不  
自聊枕落夢魂飛蛺蝶燈殘風雨碎芭蕉瓊枝



玉樹埋黃土衣冠妝臺閣絳綃故物盡能回白首  
斯人無以永今朝

送醇甫歸蔡

將歸葉先寄明復季常

先生雖作尉而治檄不時如蒲城佚盜以校見  
督之類此詩雖題將歸葉寄明復季常然有  
簡書催我去衝雪凍兩脚之句必是因校出  
而歸無疑故附于此



次韻寄滑州舅氏 已上十八篇並元載外集

按國史熙寧三年四月壬午右正言李常落秘

閣校理降太常博士通判滑州此詩不著月日

今併附是歲之末

熙寧四年辛亥 上

先生是歲在葉縣

按思親詩注九月到汝州則終吏之期當在此

歲



春祀分得葉公廟雙鳧觀 廟觀皆在葉縣

春雪呈張仲謀

按後篇送張仲謀詩中有窮愁寂寞雙鳧縣之句以時序先附此仲謀名詢

次韻元禮春懷十首

按後篇送蒲元禮南歸詩有三年葉公城之句以時序先附此又云吾師李武昌金聲而玉德蓋元禮居蘄州以史考之公擇自滑復職知鄂



州耳

再和元禮春懷十首

并序

次韻答蒲元禮病起

送蒲元禮南歸

寄季張

戲贈陳季張

賦陳季張北軒杏花

從陳季張求竹竿引水入厨



題季張竹林村

陳氏園詠竹

張仲謀家堂前醑醪委地

和答登封王晦之登樓見寄

按後篇戲贈王晦之詩中有我亦未見緱山鳧  
之句以時序先附此

送鄧慎思歸長沙

寄頓二主簿時在縣界首部夫鑿石塘河



戲贈頓二主簿不置酒

春思

詩中有不覺簡書催秣馬之句

衆人觀俳優

同孫不愚過昆陽

按輿地廣記昆陽正屬葉縣即光武破王尋之

地

和答孫不愚見贈



孫不愚引開元故事請為移春檻因而贈答

送陳氏女弟至石塘河

陳氏女弟已見前注

睡起

書睢陽事後

流民歎

次韻邵之才將流民過懸帛嶺均田

詩中有素餐每愧斯民病之句



次韻答邵之才

呈李卿 已上四十七篇並元載外集

山谷年譜卷三



欽定四庫全書

山谷年譜卷四

宋 黃潛 撰

熙寧四年丁亥

中

贈陳公益

并序

序中有官於葉城下之語

戲答陳公益春思二首

送焦浚明



詩中有我住葉公城之句

雜詩

飲韓三家醉後始知夜雨

行邁雜篇六首

去賢齋

還家呈伯氏  
元注葉縣作

夏日夢伯兄寄江南

送張子列茶



謝張仲謀端午送巧作

食瓜有感

行役喜雨寄任公漸大夫

曉從任大夫祖行過石橋寄粹甫

雨晴過石塘河留宿贈大中供奉

戲贈潘供奉

詩中有大梁相逢初不識之句因前篇供奉故附

答玉晦之見寄



詩中有暮上緱嶺飛雙鳧之句

戲贈王晦之

詩中有我亦未見緱山鳧之句

送陳季常歸洛

季常名慥詩中有誰云區區葉車馬肯來尋之句

次韻時進叔二十六韻

詩中有飛鳧王令尹期我向君所之句

薛樂道自南陽來入都留宿飲會作詩餞行



此詩當在葉縣蓋南陽入都之路而別有送薛樂道知鄆鄉詩亦有黃山葉縣連牆居之句

次韻荅薛樂道

孫不愚索飲有酒已盡戲荅

辱粹道兄弟寄書久不作報以長句謝不敏

陳季張有蜀芙蓉畏飲客至開輒剪去作詩戲之

再贈陳季張拒霜花二首

蒲城道中寄懷伯氏



次韻伯氏謝安石塘蓮花酒

次韻伯氏戲贈韓正翁菊花開時家有美酒

寄張仲謀

謝仲謀示新詩

送張仲謀

詩中有窮愁寂寞雙鳬縣之句

再和答張仲謀陳純益兄弟

寄別陳氏妹



戲招飲客解醒

荅閻求仁

詩中有身隨衣食  
葉南陽之句

擬君子法天運

荅龍門潘秀才見寄

客自潭府來稱明因寺僧作靜照堂求予作

題雙鳬觀

送陳蕭縣



答和孔常父見寄 已上四十九篇並元載外集

常父名武仲

山谷年譜卷四



欽定四庫全書

山谷年譜卷五

宋 黃芻 撰

熙寧四年辛亥

下

戲詠江南土風

十月十五日早飯清都觀逍遙堂

傷歌行四首

奕棋二首呈任公漸



謝曉純送衲轍

思賢

按田

并序

雪中連日行役戲書簡同僚

宿黃山

送蘇太祝歸石城

詩中有偶然把酒葉公城之句

雪後登南禪茅亭簡張仲謀



詩中有雪後憑高望洛都之句

寄張仲謀次韻

次韻奉和仲謨夜話唐史

張仲謨送河鯉未至戲督以詩

和答張仲謨泛舟之詩

戲書效樂天

余成詩

觀崇德君墨竹歌

并序



詩中有一官偶仕葉公城之句

聽崇德君鼓琴 已上二十四篇並元載外集

酌姨母崇德君壽酒

此篇元載別集二詩皆因前篇附見

舟子

并序

致政王殿丞逍遙亭

送杜子卿歸西淮

衝雪宿新寨忽忽不樂



按垂虹詩話云山谷尉葉縣日作新寨詩有俗  
學近知回首晚病身全覺折腰難之句傳至都  
半山老人見之擊節稱歎謂黃某清才非奔走  
俗吏遂除北都教授即為潞公所知

右此說與國史及先生本傳皆不合漫附于此  
兼此詩兩句乃載蜀集舊本全篇云一夢江南  
據馬鞍夢中投宿夜闌千山銜斗柄三星沒雪  
共月明千里寒俗學近知回首晚病身全覺折



腰難江南長盡梢雲竹歸及春風斬釣竿今豫  
章集前六句皆不同耳

新寨餞南歸客

郭明父作西齋于潁尾請予賦詩二首

予既不得業遂過洛濱醉遊累日

呈王明復陳李張

即席

詩中有無益氣蕭蕭元禮喜作詩及大薛知力



學小薛受善言之句蓋皆同時游從者又有解  
官方就閒之句故附于官滿之後

曉起臨汝

臨汝汝州郡名又蔡州上蔡縣後魏改為臨汝  
過平輿懷李子先時在并州

平輿縣屬蔡州詩中有心隨汝水春波動之句  
按潛夫詩話載山谷教人云世上豈無千里馬  
人中難得九方臯此可以為律詩之法即此詩



也

以同心之言其臭如蘭為韻寄子先

離汝寄張子

勸交代張和父酒

過百里大夫冢

冢在南陽縣界恐是去鄧州經過作此詩元在

蒲城道中寄懷伯氏前令附此按呂氏童蒙訓

云或稱魯直桃李春風一杯酒江湖夜雨十年



燈以為極至魯直自以此猶砌合須石君甚愛之勿使牛礪角牛礪角尚可牛鬪殘我竹此乃可言至耳然如魯直百里大夫冢詩與快閣詩已自見成就處也

雜詩八首 已上三十一篇並元載外集

第六首先生有真蹟云比見師川錄示諸賢和南塔題壁詩甚愧老拙歟在在前也歸閱計草中有一篇與壁題異不知壁間字是拙筆否今



錄上邠老刮去手寫此篇薰爐茶鼎暫時同寒  
日鴉啼柿葉風萬事須還麴居士百年止在槐  
安宮而第八首元載第六卷題作武陵今從蜀  
本附此先生居官所作雖曰可攷而歲月先後  
或不能盡合則以月日有疑者列于官滿之歲  
後放此

山谷年譜卷五



欽定四庫全書

山谷年譜卷六

宋 黃芾 撰

熙寧五年壬子

先生是歲試中學官除北京國子監教授

按國史熙寧五年正月戊戌王安石以試中學  
官等第進呈又先生本傳熙寧中舉四京學官  
第又為優教授北京國子監留守文彥博才之



留再任

次韻景珍酴醾

景珍名令嬪

以金沙酴醾送公壽

寄懷公壽

道中寄公壽

道中寄景珍兼簡庾元鎮

景珍太博見示舊唱和蒲萄詩因而次韻



公壽景珍皆仕京師故附于是歲入京之時蓋  
元祐間先生館中則有過故人東平侯趙景珍  
墓詩又先生有跋自所書與宗室景道云徃余  
與公壽景珍游時景道方為兒嬉戲今頽然在  
朝班思公壽景珍不得見每見景道尚有典刑  
云云此書書於慧林政館中時作  
已上六篇並元載外集

同宋景瞻分題汴上行 此篇元載別集



熙寧六年癸丑

先生是歲在北京

先生有代韓康公赴大名謝表其間云南陽在漢之故里許田先人之弊廬實為作翰之邦連荷長民之寄尚憂曠敗終累保全豈誤采朝僉再流睿渥徃典帝宮之門鑰獲瞻魏國之觚稜許還近班不以故事承三接之清燕稱萬年之壽觴恩榮不替於再三補報未聞于萬一按國



史熙寧四年三月韓絳罷相知鄧州五年四月  
知許州六年二月壬寅知許州觀文殿學士吏  
部侍郎韓絳為大學士知大名府仍詔入覲遇  
大朝會綴中書門下班出入如二府儀與謝表  
所叙皆合又有代康公謝韓魏公北京到任啓  
云仲月煩蘊百嘉長羸則是康公到任在是年  
仲夏又以國史攷之明年四月康公方以平章  
事召赴闕則先生是歲在任無疑先生在北京



凡首尾七年詳見己未歲所載二詩右先生之  
文可以歲月攷者悉附見如左其餘自載本集  
各以類分此不具載後倣此

秋思

和答幼弟阿熊呈上  
六舅學士先生并引

阿熊諱非熊字仲熊按詩引不拜請益之席蓋  
十三年歲在星紀實作此文星紀之歲在丑而  
先生自十五六歲從舅氏學於淮南以辛丑至  
癸丑計之恰十三年故附于此



此詩元載外集

熙寧七年甲寅

先生是歲在北京

按國史是年四月丙戌觀文殿大學士吏部侍郎知大名府韓絳依前同平章事監修國史河東節度使守司徒兼侍中判河陽文彥博判大名府

六月閔雨



既作閔雨詩是夕遂澍雨夜中喜不能寐起作喜雨  
詩 二篇並元載外集

按是歲禱雨故附此

熙寧八年乙卯

先生是歲在北京

呻吟齋睡起五首呈世弼

詩中有學省非簿領之句世弼名純亮即先生

妹夫所謂王郎者



招戴道士彈琴

送錢一杲卿

詩中有冷官困北門之句杲卿乃穆父內翰長  
子黃師是之妹夫時師是為河北漕錢時在外

舍師是名實

曉出祥符趨府

奉答子高見贈十韻

和庭誨苦雨不出



詩中有端居廣文舍之句

和庭誨雨後

招子高二十二韻兼簡常甫世弼

闕

駕言聊攝

歸飛霜曉封條之句蓋言往來之時與奉和世

弼詩相表裏

次韻子高即事

次韻謝子高讀淵明傳



奉和王世弼寄上七兄先生用其韻

詩中有學宮尸廩入及言趨厭次城與舉場下  
馬入深鎖嚴籥管之句則是北京所作必因考  
試而出是年適當科舉若次之戊午則先生乃  
考試于衛州又厭次非衛州經行之路故附于  
此

和世弼中秋月詠懷

詩中有廣文官舍非吏曹之句



和答王世弼

詩中有燕堂淡薄無歌舞之句

韻和常甫世弼二君不利秋官鬱鬱初不平故予詩

多及君子處得失事

詩中有頻來草玄宅之句又當科舉之歲故附

于此

酌別世弼

詩中有鄴王臺下倒清樽之句



送魏君俞知宿遷

秋懷二首

和李文伯暑時五首

文伯字去華先生之婿李棠德素之子雖納壻  
在後而先生與龍眠李氏為素交或舊作亦未  
可知姑倣舊次附于此

次韻庭誨按秋課出城

庭誨惠鉅硯



叔誨宿邀湖上之遊以故不果往

送吳彥歸番陽

詩中有學省困蘊鹽三見秋氣爽之句先生到

北京已三秋矣

大風

題司門李文園亭

夜觀蜀志

觀道二篇



西禪聽戴道士彈琴 已上三十七篇並元載外集



山谷年譜卷六



欽定四庫全書

山谷年譜卷七

宋 黃芻 撰

熙寧九年丙辰

先生是歲在北京

先生自到任距今已三年時文潞公尚判大名  
府以國史參之當在是時舉再任

二月丁卯喜雨吳體為北門留守文潞公作



李右司以詩送梅花至潞公予雖不接右司想見其  
人用老杜和元次山詩例次韻 已上二篇並元

載外集

題文潞公黃河議後

此詩當是後作因潞公詩附元載別集

熙寧十年丁巳

先生是歲在北京

次韻外舅謝師厚喜王正仲三丈奉詔禱南岳回至



襄陽捨驛馬就舟見過三首

正仲名存按實錄熙寧九年十一月詔安南行  
營將士病疾者衆遣同知太常禮院王存禱南  
岳自京師十一月被命至衡山回程必在次年  
又後篇有衡山返命之語則是時無疑故附此  
又按垂虹詩話云山谷次韻謝師厚喜王正仲  
見過詩漢上思見龐德翁別來悲歎事無窮張  
孝先光武云曾見親札歎作歡則覺語健政如



山谷改杜詩少年令開萬卷餘不可拘平側也  
又按後山詩話云謝師厚廢居於鄧王左丞存  
其僚婿奉使荆湖枉道過之師厚名景初

次韻正仲三丈自衡山返命舍驛過外舅師厚贈荅  
已上四篇並元載外集

元豐元年戊午

上

先生是歲在北京

是歲考試舉人于衛州



先生與東坡書云自衛州試舉人歸于鄭據處  
得賜教又云去九月到京老兒病脚氣初甚驚  
人會得善醫者診視今十去九矣又苦寒嗽未  
能良愈坐此不通書門下云云蓋此書乃次年  
之書今先附此

古風二首上蘇子瞻

按烏臺詩話載元豐元年二月內北京國子監  
教授黃某寄書一角并古風二首與軾又蜀本



詩集任氏舊注云東坡亦有報書及和章山谷  
書云今日竊食於魏會閣下開幕府在彭門又  
云作古風詩二章賦諸從者即此詩是也以東  
坡集攷之蓋元豐元年魏即北京彭門即徐州  
建炎中山谷之甥洪炎玉父編舅氏文集斷自  
退聽堂始退聽以前蓋不復取古風二篇冠詩  
之首且云以見山谷受知于東坡有所自也退  
聽堂在汴京醕池寺南山谷作館職時寓筆硯



於是有贈俞清老詩跋曰書于酃池寺南退聽  
堂下然此堂名其後隨所在揭之

右二詩蜀本詩集任氏所注方始于此其考證  
已為得之者悉從其舊今釐所編自此二篇之  
前皆外集別集任氏所未編者其有歲月可繫  
于後者隨疏于左庶覽者無惑焉

閏月訪同年李夷伯子真於河上子真以詩謝次韻  
按是歲閏正月而詩中有日晴花色自深淺風



暖鳥聲相應酬之句姑以時序附此

戲答子真河上見招來詩頗誇河上風物聊以當嘲

云

次韻子真會靈源廟下池亭

詩中有置酒臨魏城之句

和荅李子真讀陶庾詩

丙寅十四首效韋蘇州

并序

序云二月丙寅率李原彥深謝惜公靜游百花



洲云云按國史元豐元年二月丙午朔則丙寅  
乃二十一日先生是時在北京此詩元次竹軒  
咏雪然謝師厚居南陽而後篇夏雨眠起之什  
有腹便時蒙嘲之句又有送朱貺中允宰宋城  
詩亦云鄴王臺邊春一空但有雪飛楊柳風我  
從南陽解歸橐重簾複幕坐學宮當是先生告  
假或因他故至南陽在冬春間耳今附于此公  
靜師厚之子



催公靜碾茶

用前韻戲公靜

對酒歌答謝公靜

送朱貺中允宰宋城

詩中有朱侯官居鄴城下之句首句即鄴王臺  
邊春一空已見前注宋城屬南京

過方城尋七叔祖舊題

七叔祖諱注字夢升終南陽主簿歐陽文忠公



為作墓銘載六一居士集方城屬唐州故附此  
奉和慎思寺丞太康傳舍相逢并寄扶溝

和太丞尉氏孫著作二十韻

次韻晉之五丈賞壓沙寺梨花 已上二十五篇並

元載外集

壓沙寺在北京

海棠花

詩中有東窗渾為讀書忙之句元載別集今以



時序附此

種決明

同世弼韻作寄伯氏在濟南兼呈六舅祠部學士

濟南即齊州蓋公擇自滑州通判歲餘復職知

鄂州徙湖州又徙齊州以歲月攷之當在是歲

伯氏到濟南寄詩頗言太守居有湖山之勝同韻和

次韻寄李六弟濟南郡城臨亭之詩

平原宴坐二首



按蜀中詩刻先生真蹟題作平原郡齋而詩句  
又與此小異云平生浪學不知株江北江南去  
荷鋤窓風文字翻葉葉猶似勸人勤讀書成巢  
不處避歲鵲得巢不安呼婦鳩金錢滿地無人  
費一斛明珠惹秋平原屬德州德與齊接壤  
故附于此

用明發不寐有懷二人為韻寄秉彝德叟

陪謝師厚游百花洲盤礴范文正公祠下道羊曇哭



謝安石事因讀生存華屋處零落歸山丘為十詩

百花洲雜題

竹下把酒

砌臺晚思

和師厚接花

按蜀本前四句云妙得花三昧誰明幻與真家

風穰下土笑面洛陽春

和師厚栽竹



次韻師厚萱草

次韻師厚雨中晝寢憶江南餅麴酒

飲李氏園三首

按二月丙寅詩序有云繫馬李氏園今附此

次韻謝外舅病不能拜復官夏雨眠起之什

次韻外舅謝師厚病閒十首

次韻奉送公定 公定名恂師厚之子

和公定河朔漫成八首




次韻謝公定王世弼贈答二絕句

次韻公定世弼登北都東樓四首

和謝公定征南謠 已上六十二篇並元載外集

按國史沈起經畧交廣在六年四月朝廷征交趾在八年十二月下詔九年正月己卯交賊陷邕州而郭遠伐交趾在九月二日其次富良降乾德班師在十二月此詩必非當時所和故附于此







山谷年譜卷七



欽定四庫全書

集部

山谷年譜卷八至十八

詳校官庶吉士臣胡鈺

檢討臣何思鈞覆勘

總校官進士臣朱鈐

校對官主事臣陳文樞

謄錄監生臣章玉輅



欽定四庫全書

山谷年譜卷八

宋黃當撰

元豐元年戊午

下

和師厚秋半時復官分司西都

按實錄熙寧十年十一月詔復尚書都官郎中

分司西京謝景初權藩郡通判今先生和師厚

復官二詩一云夏雨眠起一云秋半然未詳作



詩先後姑以時序同附

師厚家居示里中諸君

和答師厚黃連橋壞大木亦為秋雹所碎之作

詩中有溪橋喬木下徃歲記經過之句

寄南陽謝外舅

詩中有離筵如昨日之句當是別後所作

和外舅夙興三首 元注寓大雲寺作今附于此

已上七篇並元載外集



醇道得蛤蜊復索舜泉舜泉已酌盡官酒不堪不敢

送

按蜀本詩集注云舜泉當是河北酒名外集有  
和王世弼求舜泉詩首句云寒釐薄飯留佳客  
蠹簡殘編作近鄰張淵方回家本置此詩于北  
京教授時與詩意正合自此詩至未入館以前  
洪王父皆不編入今豫章前集有之然亦不過  
數篇爾方回大父名塤山谷妹婿也



右此詩雖援證實為北京之詩先生在北  
京最久不能詳其何年所作但此類在各卷既  
已成編或稱從舊次附前作之類亦皆從之  
止以今所考據者隨時增附於其間若夫舊  
注無不差舛或可援證者即隨加更定後放  
此

世弼惠詩求舜泉輒欲以長安酥共泛一桮次韻戲  
答



此詩因舜泉作附于此

送蛤蜊與李明叔諸君

詩中有廣文不得載酒去之句

戲贈世弼用前韻

世弼病方家不善論蛤蜊之功戲答

次韻師厚食蟹

次韻謝外舅食驢腸

次韻師厚答馬著作作屢贈詩



次韻子瞻與舒堯文禱雪霧豬泉和唱

按東坡年譜是年有和舒堯文祈雪詩

薄薄酒二章

按東坡年譜熙寧九年作而先生與東坡相識  
乃在是歲又先生有此詩真蹟石刻跋云此詩  
作已十餘年環中云平生愛之欲歸江南要我  
手寫燭下忍病眼書此元祐三年四月庚辰却  
數之當附于此



竹軒咏雪呈外舅謝師厚并調李彥深

戲贈彥深

元注李原字彥深厚之弟居南陽

贈李彥深

觀王熙叔唐本草書歌

擬古雜言

古豪俠行贈魏鄰幾

拘士笑大方

賦未見君子憂心靡樂八韻寄李師載



詩中云同升吏部曹往在歲丁未別離感寒暑  
歲星行十二自丁未戊午恰十二年

江南

詩中有五年身屬官倉之句今附此

公益嘗茶

詩中有子雲窗下草玄經之句

和答郭監簿詠雪

詩中有官冷有田知歲豐之句



次韻張祕校喜雪三首

詩中有廣文何憾客無氈之句

次韻寅菴四首

雙井敞廬之東得勝地一區長林巨麓危峯四  
環泉甘土肥可以結茅菴居是在寅山之頽命  
曰寅菴喜成四詩遠寄魯直可同魏都士人共

和之

大臨  
原序

次韻七兄青陽驛西阻水見寄 已上四十篇並元



載外集

詩中有官簡之詩鄴城下之句

元豐二年己未上

先生是歲在北京己六年

先生有次韻和答孔毅甫詩云六年國子無寸

功猶得江南萬家縣蓋次年授太和耳毅甫名

平仲

二月十二日先生繼室介休縣君謝氏歿于官所



以二室墓誌攷之自元祐六年辛未却數殞于  
大名者十一年介休即師厚之女

見子瞻梁字韻詩和答三人四返不困而愈崛奇輒  
次舊韻寄彭門

詩中有昨蒙雙鯉魚遠託鄭人緩之句鄭人即  
前與東坡書自衛州試舉人歸于鄭掾處得所  
賜教云云末又有冬春愆雪之語而此詩亦云  
鳥聲日日春柳色弄晴暖次篇有云東南望彭



門官道平如案二詩與前書當是今春所作

再和寄子瞻聞得湖州

按國史元豐二年二月蘇軾知湖州

次韻答堯民

堯民名端仁

過西山

春游 已上五篇並元載外集

山谷年譜卷八



欽定四庫全書

山谷年譜卷九

宋 黃芻 撰

元豐二年己未

中

次韻感春五首

聖東將寓于衛行乞食於齊有可憐之色再次韻感  
春五首贈之

次韻蓋郎中率郭郎中休官二首



元注郭文時御道巾野服過親黨飯頗為分臺  
御史所訶

次韻郭右曹

次韻伯氏寄贈盖郎中喜學老杜之詩

盖郎中惠詩有二強攻一老不戰而勝之嘲次韻解  
之

和吕秘丞

送楊瓘鴈門省親二首



次韻答張沙河

沙河縣屬邢州乃河北西路去北京為不遠後  
篇有張侯去沙河三食鄴下麥之句則是北京  
作無疑故附于此

送張沙河遊齊魯諸邦

和張沙河招飲

同堯民游靈源廟廖獻臣用馬陵二字賦詩

詩中有我坐廣文舍七年讀書燈蓋是舉首尾



之數耳

八音歌贈晁堯民

元注云長與堯民論出處之致

未竟故終言之

八音歌贈晁堯民

按別本自古同心難下有兩句云土硬非道器  
要君斲鼻端熟攷之添此始及八音

三月壬申同堯民希孝觀淨名寺經藏得弘明集中  
沈炯同庾肩吾諸人遊明慶寺詩次韻奉呈二公



飲城南即事

詩中有鄙夫漫有便便腹  
嬾書欲眠誰比數之  
句

見二十弟倡和花字漫興五首

詩中有睡起草玄三畝宅之句  
二十弟即知命  
希仲招飲李都尉北園  
已上三十二篇並元載外  
集

梨花



此篇元載別集姑以時序附此

次韻師厚五月十六日視田悼彥深

元注云去年五月十三日與之游西郊今元年  
所載丙寅詩序既云二月丙寅率李原彥深謝  
惓公靜游百花洲因附于此

次韻晁補之廖正一贈答詩

詩中有獨憐形迹滯河山之句而再答明畧云  
使年七十今中年先生是年三十有五故附此



正一字明畧

再次韻呈明畧

走答明畧適堯民來相約奉謁故篇未及之

答明畧并寄無咎

再次韻呈明畧并寄無咎

再答明畧二首

次韻廖明畧陪吳明府白雲亭宴集

次韻吳可權題餘干縣白雲亭 已上十篇並元載



外集

山谷年譜卷九



欽定四庫全書

山谷年譜卷十

宋 黃芻 撰

元豐二年己未

下

次韻無咎閻子常攜琴入村

因前篇晁補之詩附

交定詩效鮑明遠體呈晁無咎

贈無咎



二十八宿歌贈別無咎

荅李康文

詩中有深慙借問談經地之句

送彭南陽 已上七篇並元載外集

和早秋雨中書懷呈張鄧州

此篇元載別集

和舍弟中秋月

詩中有廣文陋儒嬾於事之句



贈陳元興祠部

直舍寄陳子惠

詩中有廣文賓退下簾重之句

林為之送筆戲贈

詩中有廣文因齏鹽之句

再和荅為之

再和荅為之

贈趙言



詩中有北門塵土滿衣襟及廣文直舍官槐陰之句

雜詩四首

九日對菊有懷粹老在河上四首

詩中有學省公廳只對街之句粹老名醇

次韻粹老客亭詩後

粹老家隔簾聽琵琶

呈馬粹老范德孺



贈謝敬王博諭

贈張仲謀

詩中有迎我不知沙路長之句

乞猫

先生有手書此詩題公從隨主簿乞猫

謝周文之送猫兒

講武臺南有感

詩中有花似去年堪折贈挿花人去淚闌干之



句

曹村道中

詩中有瓜田餘蔓有荒壠梨子壓枝鋪短牆之

句

已上二十四篇並載外集

臨河道中

臨河屬開德路路由河陽經行先曹村後臨河

故前篇有覺來去家三百里之句指大名也



此篇元載別集

謝張泰伯惠黃雀鮓

詩中有去家十二年之句蓋自先生戊申歲到

葉縣至此十二年

贈荅晁次膺

夜聞鄰舟崔家兒歌

重荅

鴻溝



全宋文卷之八  
裴晉公書堂

子產廟

楊朴墓

次韻孔著作早行

次韻孔四著作作北行淳沲 已上十篇並元載外

集

和范廉 此篇元載別集

和陳君儀讀楊太真外傳五首



讀曹公傳

并序

雜詩

已上七篇並元載外集

絕句

此篇元載別集

衛南

衛南屬澶州與北京滑州皆為比鄰此詩當是

在北京作

酒

次韻荅柳通叟求田間舍之詩



書扇 已上四篇並元載外集

山谷年譜卷十